

大清光緒十四年

本館新聞除禮拜外日出一張  
諸君賜閱本報者無論  
本埠外埠均可函致本館取  
閱如外埠閱報加寄費可  
也除日報照常刊送外復不  
惜工本從英國採辦新式  
各機器以待與各官商  
刊印書籍單件並有英國各  
種活字及各式花邊等延有  
西人操印工藝其精所有中  
西文字均能刊印並有石板  
印字大小機器均用精工刊

第千二百六十三號

# 申報

本館開設在舊巴口門牌第十四號

印工總絕倫並延有文士書  
寫各體文字現由上海購到  
各種新式活字其書目另行  
刊佈所有各項價目其相宜再  
本館所登來札原擇其有關  
世道人心者附登其有謬誤  
成文以及支離費解者概不  
登報嗣後諸君來札向祈  
自諒更須寫實里而後敢  
登但來稿登與不登均不能  
將原稿收回也 本館謹白

戊子九月初二日

凡刊印告白第一日每一字一仙第二日以下每字半仙 大英一千八百八十八年十月六號禮拜六 凡刊印告白第一日每一字一仙第二日以下每字半仙

寄報聲明 ○啟者本報所日報其價係按年而算而半年開單一次領取單價此與零沽者有  
所不同近見外埠諸君取閱本報者或有僅一二月之久即為止其更有取巧者取閱本報迫屆半年開  
單往收報費之時則竟託詞謂已致函本報着為停寄何以復送前來緣是即欲圖沒報資殊堪痛恨竊思  
本館之報原期大眾同觀事之濟否不在一人倘不欲賜閱即以一函投請本館斷無有不為之止其報有  
強人看閱之理則此言之詐可知茲特聲明 諸君止看本報者必須須作函由國家信館寄投之本館  
始為准信倘本館未接來函而為派送則不妨再為示教至於取閱報紙必須至一年半年方能止截否即  
作為零沽當按價索償勿謂言之不預也特此聲明 本館謹白

## 無賴宜懲說

昨報無賴宜懲一則言有橫城搭客由永生輪船道經叻中被諸無賴佔其位毆其人復請票以拘之致罹  
罰款而行行李衣箱等物則概付於無何有之鄉登錄之餘有不禁為之髮指也嗟乎本坡向稱太平之境從  
無盜匪潛滋即間有搶竊之端亦不過因貧所逼偶爾為之並非屢蹈愆尤有心為惡者比是以閭閻之內  
曾未有盜賊之防乃自前數年牛車水一帶開闢以來而盜風遂漸覺猖獗作竊者有之強搶者有之行劫  
者有之即擄擄勒贖者亦無不有之且彼匪徒不惟竊之於陸並且竊之於舟試觀邇來由中國來往南洋  
諸輪船常有盜跡混於其中失竊之事無一船不有之噫盜風至如是之繁則重洋跋涉之人其向能安處  
耶即昨報佔奪客位之匪徒亦其黨類耳按此種匪徒既已佔據他人之客位於理已殊不順詎竟敢肆其  
兇毒請票拘人此其立心之惡實不勝言蓋人既附航言旋則皆有行李衣箱等物一旦而票押至將人拘  
執忽忽之際行李斷不及為之兼顧迫須送公庭以後案猶未訊而船已行所有行李囊橐已離船而發船  
中又乏人為之照料則必致有喪失之虞況今日輪船盜跡之繁稍一疎防而行行李遂為他人所有矧無人  
以為之收管乎然則被執諸人幸而理直亦至喪失良多乃復不幸而罰款偏罹則尤覺苦中加苦蓋諸客  
等之身家性命均在於行李之中不知費若干年血積之資始能旋里乃一旦盡遭喪失但存一身且非本  
埠旅處之人而親戚友朋亦屬寥寥無幾一身落拓幾於倚靠無門更何堪罰款重罹雖曰所罰不過一元  
然以彼窮途中人視之則千百元亦不是過也夫以平常爭競之端乃竟害人至此何彼匪徒之忍也如  
是耶然細思之則此實匪徒之詐也夫平常爭競而害人至此即稍有人心者亦不忍為而彼匪徒則竟為之  
大抵此中必有可圖而後致出此策蓋若輩匪徒通同一氣專向此中謀利則此次所為又安知其非預  
約黨類充為搭客在於船中彼故借意與人滋鬧而出此策將諸人概行拘捕俾遭行李衣箱等物以為其  
黨人所得者乎細付此中之由則彼匪所為可決其必出於此所奈堂堂衙署亦竟為彼匪所愚耳嗟乎匪  
徒之跡日益披猖彼佔奪客位之人即在船作竊之人蓋若輩慣作此行為其佔位也若有人與之買則賣  
之否則充為搭客在船行竊與船中役人串為一氣得以為所欲為嗟乎匪徒之猖狂狡詐一至於斯父母  
斯民者其可不嚴加查辦耶彼匪之計則誠工矣獨不思此諸客既為所算致令多年血積一旦空空不惟  
銀兩細軟概無所存甚即衣服物件均無所有處斯境地情何以堪常有不達之人因思成病以致死亡或  
且短見自尋甘於一死嗚呼此中隱害人之性命其咎果誰歸哉是則為民上者有不可不為之弭其患也  
獨是弭盜之法實有甚難彼盜跡之未形則究從何而治然不知此種盜匪固非偶爾為之其惡所積實有  
甚多是則有不難稽宜宜廣購線人於牛車水一帶地方密為查察詳悉其姓名住址自不難按圖索驥一  
一就擒而後嚴定罪辜其有形跡可疑之人則概行逐之出境更於該處編行保甲之法得以保良攻匪互  
相聯絡是則匪徒雖狡亦將無地以容夫如是則不數月而盜風或可肅清不難復夜不閉戶路不拾遺之  
治矣有斯民之責者其盍鑒諸

法京電音 ○廿八日法京發來電音云現法國出有新章所有他國旅法之人務於抵法半月內  
將其姓名年歲籍貫里居及作何營生報明注册如久居法地者則限以一月之內詳報云

白蠟近事 ○刻接白蠟遞來郵信云該處憲報曾刊有新章嗣後五年內不許諸式人等入山採  
取樹乳為生蓋取樹乳之法惟向其樹皮劃破俾乳從樹皮流出則不至有損樹株奈諸穆拉油人之採取

官督辦司員務將未結各案迅即清釐其現辦案件務須遵照例限隨時審結勿任積壓並着各直省督撫嚴飭各屬遇有訟案隨到隨審勿得藉口要犯在逃監候待質等詞隱行覆禁其在押各犯按月詳報務示以杜弊端欽此

奧土電報 ○廿六日咸墨地方發來電報云該處某大日舉現作一論甚不足於奧相所為因該相不允將土廷所寄佈告之文查押故也查土國之文係有言及蘇彝士之約款第十條而其所以不允畫押之故則係土廷未將直里波里地方統於界內云云

模員抵叻 ○廿九為本坡議政局開門聚議之期前經列報故前日有檳城議員華文君附航來叻蓋赴此次開院之期故特來叻以資參議也

參政過叻 ○前吉隆參政使司羅君於去冬交卸回英現復奉委充當彭亨參政之任公承命後即首途南渡前日已由法國希塞倫郵船抵叻轉輪暫駐定於九月初四日即乘坐荷里因戰船前赴新任云

考核若生 ○前者美國所創天下名勝會將舉凡各國之興國掌故戶口人丁概行攷核現據該會論稱今天下之民向多未足若以天下之地而容天下之民則一人可佔地五英畝之多然則以地計之尚可廣增其人數也今約計之其在歐羅巴洲則可添居民一百一十五兆亞非利加洲則可添居民一千三百三十六兆亞西亞洲則可添居民一千四百零二兆澳施亞尼加即蘇門答臘東一帶如中國日本高麗琉球越南暹羅等處可添居民五百一十五兆亞美利加則可添居民二千零九兆而歐亞之冰地不能居人者則未嘗有算於其內云

無賴宜懲 ○近來叻地無賴之輩甚多以故榜風盜風賭風與夫棍騙之風層出不窮直令旅居斯地之良民常受匪徒魚肉良可慨也近來更有一種惡習凡遇輪船由叻啟行官往香港汕頭廈門上海等處者則常有無賴之輩持一加蓋先至船中佔位若附航同里者實則否也蓋先佔艙位以為轉賣之資遇有登船較遲無位可坐者則向彼為買取彼無賴輩藉端以此為生然此中爭競之端勢所不免乃不意竟有誣人以罪而且喪人之財者噫是亦可見彼匪之喪心昧良無非不作矣前日永生輪船由檳榔嶼往香港道經叻海因暫停輪有嶼客八人欲赴該船往港迨船抵叻地諸人以船須暫泊乃至岸上探友追同船之際則其船位已為諸無賴所佔諸客不甘乃向其取討諸無賴謂既須取回此位則每人可給洋銀六角云云諸嶼客不允因與相爭既而遂成打架而諸無賴以其人眾不能以力欺之乃忿忿而行因設計以圖傾陷乃即至府署將諸嶼客控告謂其無端毆打因即請票往拘乃將諸人概行獲案翌日巡理府右堂審訊先判諸客各罰銀三元無銀監禁十四日嗣經總差兼君將此事代向府尊詳訴乃蒙減等改令各罰銀一元無銀監禁七日訊畢兼君乃語諸人謂此事吾已微有所聞汝等可向華民護衛司署控訴諒必公必能為汝嚴辦匪徒也諸客唯唯而出時該船業經起碇而諸客之衣箱行李概在於船中照催乏人想皆隨波而逝矣噫

譯榜錄登 ○會賢社八月課卷計共三十四名茲將前十五名開列於後 劉鴻斌 劉雲懷 謝慶元 謝大鵬 胡錫榮 以上每名賞銀一元 吳士達 李一川 吳世培 陳道亨 文祖 古道明 林秉章 古騰驥 陳若鐘 吳達文 以上每名賞銀五角

會賢社九月課題 ○滿招損謙受益論 賦得得句將成功 得成字五言六韻


車中育兒 ○廿八日石叻門有一毛燕婦人乘一閩人某甲之手車赴於甘公加薄蓋欲歸寧母家以教子母之情詎至途次該婦忽然產有一男嬰叶弄璋之瑞該時甲僕僕於途初猶不知然而呱呱之聲飛來耳畔甲始察覺瞥見血漬淋漓遍汚厥車甲至是以為不祥也不豫之色形露面目婦以婉言謝之促彼驅車而去迨至母家乃着僮婦而辭厥車并以英銀五元厚謝於甲而寢厥事云

誤墮騙術 ○閩人朱某向在小坡爪亞街建一車房購有東洋手車出稅與人儉勤頗積於二十八日緣事外出道經英大書樓前海傍見有二閩人先後偕行一若行路悠悠均非相識也者詎知前者伴作倉皇急往竟遺一鑽石約指於道而後考尾後隨行因而拾之把玩不已欣欣然若有喜色惟於其拾遺之時此中情形概入朱之目中故朱乃近於前索該約指而觀之不覺驟萌貪念誤以該約指真為鑽石也爰欲購之以作居奇遂與該閩人訂值英銀八元如數與之因拾該約指而歸嗣與識者辨認始知魚目混珠而所謂鑽石者皆非也朱至是乃惘然而悟始知墮匪徒之術徒呼荷荷而已噫利令智昏其斯之謂歟

小販脫逃 ○粵人黃某向寓於永勝街販賣熟食營生頗濟度活於二十八早赴於鐵巴虱購買家禽以為覓利販賣利心頗重專購病雞數翼而歸躋至途次忽與巡差相值於道該差見黃手持病雞詢其所用黃告以佐飯熟食差恐其有傷於人也爰欲執之逮案黃懼始擲雞於道而奮足疾逃差尾後而追黃已風捲雷馳杳乎其不可及矣至是而該差始罷云

竊徒幸脫 ○某甲某乙閩籍人蓋不知其所操何業也于廿八夜運滿已漆甲乙聯袂偕行赴於賭間口購買熟食以供孕順詎有一粵籍匪徒道經此間見甲乙衣服頗麗遂視彼為金夫也者於是頓觸貪涎潛近甲身以奏偷兒伎倆乃盜其銀夾一具驕然欲去不料為乙察覺因呼甲拘之時該匪急不及逃以故就獲乙乃告其所盜甲始知被其所竊爰即拘匪遍搜其身果於袖中搜獲其銀夾一具証據固已顯然於是奪回己物而合力擊之幸斯時之差察至故該匪抱頭鼠去抑亦幸矣

蜜酒出賣



啟者本行由歐洲辦到上等密酒  
來叻發售其酒甚佳茲將標頭印出  
諸君光顧祈為細認免致有誤倘  
有無恥之徒假冒本行鎖匙標者本  
行定必嚴為控究再此酒不能販在  
加勝吧 三寶壟 泗里末  
望加錫 檳榔嶼 日裡等處其  
他各埠均能運往並此佈聞  
一千八百八十六年十一月十  
號 明嗎也洋行謹啟



法國頂上蜂標萬蘭池酒出售



敬啟者茲本公司親由法國督辦頂上好萬蘭池酒來  
叻發售其酒清香濃郁醇厚異常飲之誠可令人長血  
氣壯筋骨悅顏色妙美無窮今市上所有萬蘭池酒無  
有能出其右者誠佐饌中妙品也至此酒惟本公司一  
家沽出餘無別家出售 諸君光顧請細認蜂標標頭  
為記並細辨香味方不致誤價甚相宜倘有到份之壽  
者祈早惠臨沽買是荷  
大英一千八百八十八年六月二十號  
大清光緒十四年五月十一日 明嗎也公司謹啟

上等呂宋烟出售

啟者本行由小呂宋督辦上庄選葉呂宋烟發  
售其貨均屬上等並無低貨提雜且價甚相宜  
其中每箱有廿五枝者有五十枝者有一百枝  
者各款俱備香美異常因邇來西人年節將屆  
用此以作禮儀餽贈最為合式且能與 諸君  
代辦小呂宋各貨 諸君賜顧請至土庫花園  
邊奕爾堅洋行之後由與密加釐士打索路店  
隔鄰本行相酌是荷  
大英一千八百八十七年十二月七號  
大清光緒十三年 義士連洋行謹啟

機爐



代中西士商修整各種損壞機器工價格外公道如有 貴客賜顧者請至本  
廠面議特此佈聞 西一千八百八十一年十二月廿六號 賴來安公司啟

啟者本公司製造廠開設在新嘉坡直落亞逸尾地方交易多年專造一切鐵  
巧機器火鋸火鋸位大舊粒之器具及大小輪船汽機鍋爐並各種新式鋼鐵  
器皿一應俱全無不堅固耐久靈便合用諸大甲地方本公司開設有分廠並

中外眾國有限保險公司

啟者本公司總局設在香港多年備  
有資本銀二百萬元已先收股份人  
來銀六十萬元及餘存銀六十萬元  
在叻係本行代理承保各商貨物銀  
項運輪船往來各埠其保價扣用  
照例所有花紅之銀俟結賬之後按  
股分派前一千八百七十八年一  
千八百八十年每股得利息銀計五  
八仙又一千八百八十年至一千八  
百八十二年每股得利息銀計一八  
仙諸貴商賜顧者請至本行面議相  
可也 大清光緒九年 月 日  
英一千八百八十三年八月廿七號  
毛實德公司謹啟

新到各書

啟者現本館  
新由上海寄  
到活字排板  
石印各書  
書籍多約計  
百餘種茲以  
取價廉沽諸  
尊欲採辦者  
請到本館選  
購是荷至其  
書目太繁不  
能即錄其富  
列列清單附  
呈白覽可也  
謹啟



**合夥聲明**  
○敬啟者高麗實得力街門牌第一百一十一號自客處開張豐美號係林順標自己振作今招林紫英入股合夥嗣後凡有與坡東交關等事係用順標紫英公司畫號必須有豐美圖章方足為憑如夥件有向順標支取貨物或項項確有林順標林紫英畫號而無蓋豐美圖章者惟輕手之人是問與豐美本號無涉特此聲明庶無貽誤謹告  
大清光緒十四年戊子八月十九日 林順標謹啟

**吉屋出賃**  
○敬啟者敝號現有吉屋一所在王家山脚希利街第四十九號門牌計該屋橫闊五丈另有屋巷二條深一十五丈屋內所有廳堂樓舍并兩房聖球房及夥伴住居之所無不俱全甚為宏麗茲欲出賃與人倘 諸君有合意者 祈至敝號議租可也特此佈聞  
大清光緒十四年七月二十八日 黃坤豐號謹啟


**線 轆 出 售**

敬者本行專辦英國寶拿士布機房各色上等棉線轆發客此線轆與線球不同線身光滑於縫衣脚車手車最為合用每個足長一百碼價甚相宜會經呈請英國考驗幸蒙贊賞并賜金錢羊頭號標為記本行因此線轆久已盛行外國惟亞洲一帶向恐未有周知故特辦此東來俾得利便中華之用 諸君一用始知余言之非虛 貴客光顧請認羊頭號標牌為記  
庶免有誤  
大英一千八百八十七年十一月三十號  
香港希士洋行 新嘉坡代理人明馬也公司謹啟

**三 品 酒 出 賣**

敬者本行督辦歐洲馳名三品洋酒來叻發售其酒係白頭次式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠殊深可恨嗣後 諸君沽買本行三品酒者請細認本號招牌之內有小紙包頭註華字新牌之明馬也公司者始係佳若此字樣即係偽冒請為細認特此佈聞  
大英一千八百八十五年十二月十九號  
大清光緒十一年 月 日 明馬也公司謹啟

**活 侯 亞 士 堅 公 司 告 白**



敬者本公司向來開股本坡久為中西商翁所賞識茲承英京末技公司之命託本公司為該公司駐叻代售機器之人本公司既受所託不得不代為力肩鉅任將該公司辦事之誠製造之美以及貨物之多盡舉以告海內 諸商翁知悉緣該公司向來開設英京歷久無異素為英國人所賞識不特為英國人所賞識又為鄰國人所賞識不特為鄰國人所賞識兼且為天下各國人所賞識蓋因該公司立心持平交遊盡善物料既美製作復精所以能邀美譽於本國鄰國及天下各國者皆為此也現計該公司所製造之器械甚多筆墨難以盡述更僕不可備數非親至該公司目擊斷不能備詳所見茲不過略舉其大概言之亦存什一於千百中之意耳至該公司現經運到本公司存貯代售其中件數堆積如山邱不可枚舉茲因篇幅太狹不能盡錄以備諸商翁青電擇其要而通行者略登報端以為 諸君採擇焉如木厚木筒皮帶等其價較別家稍為相宜貨而亦視別家為特妙請 諸君移玉到本公司一觀真有所聞未盡所見之憾不啻遊山陰中道令人接應不暇矣至於本公司又有製造大薯之機器以及水厚等各機器亦是名目太多不能備列謹此奉告倘所資然賜顧為慰現本廠已遷至工部局貨倉左鄰近復分枝一廠在吉隆坡仙四師爺官後大馬路至下巴雙河邊橋頭右邊開張以便吉隆 諸君選沽機器以及修理機器等事 諸君光臨請移玉趾是荷  
大英一千八百八十七年十一月九號 活侯亞士堅公司謹啟

**新 款 歐 洲 馬 車 鞍 轡 等 件 出 售**



敬者本馬車房自一千八百六十二年開設在小東陵大路邊迄今二十餘年素蒙 諸君惠顧遐邇馳名本車房專代 諸君製造各款馬車無論四輪雙輪大小明暗各車均能製造所用物料均係上等而抹漆畫線亦皆精妙異常其木料均係選用上等美材且皆預買放乾然後製造故無裂縫變樣之病是則不惟悅目并且耐用與平常所造者不同倘 諸君有命本車房製造各車者懇即惠臨務能如意而本車房并有經用之馬車出售雖曾用過然再加修飾與新製者無殊其車則四輪雙輪大小款式無不備有以便諸君選購更可代 諸君修理一切車輛其物料概由歐洲預辦充足無須臨時購置故修理甚捷可以短期告竣且價甚相宜倘 諸君有惠顧者其在本坡則可至本車房面商其在外埠則可函知本車房自能備辦并有各車目錄列明以便選購而本車房復有鞍轡等件出售有馬車者乘坐者其中大小雙單各款俱全此鞍轡均由歐洲辦來坡倘 諸君欲更往歐洲採購者本車房亦可為之代辦並能相其馬匹大小配以鞍轡務令合宜即修理舊馬鞍使之重新亦無不可而本車房並有樹乳之踏足墊出售其墊可任剪裁大小均由尊意 諸君購始知其貨之精也 再本車房因生理日益加增而工作件每患不敷茲更欲廣延各匠以司其事如鑄鐵造木油漆畫線及皮工等類倘有工藝超羣者可即前來相商果能合用自必不惜重價酬勞如欲知其詳細情形者可至本車房細詢便得特此佈聞  
大英一千八百八十八年四月十四日 南末兄弟車房司理人麥吉利謹啟

閩督行程 ○升任閩浙總督卞寶第制軍於七月二十八日在湘乘滿江紅船用官輪拖帶東下二十九日午後節抵鄂渚下旋後楚北各官皆呈遞手版稟安初一日卡制軍親赴各署答拜隨即回船約四點餘鐘啟輪本月初三日申刻船抵九江初四日黎明解纜是日下午四點鐘行抵皖省沿途有兵船護送頗覺相赫云

萬年輪船結案 ○中國萬年兵輪船自臺灣開行往滬中途被英公司輪船尼泊而撞沉一事瞬已逾年經張叔和觀察赴英臬司衙門控告斷賠前該公司船不服至英國家上控等情會記前報茲得確信經英國家衡情酌理曲在尼泊而斷定該公司輪船繳銀十萬兩作賠償萬年之費前聞中國官場已允準如數照收矣

粵南續信 ○臺灣府屬卑南廳土番滋事各節屢列本報前經劉省帥特向北洋調丁禹廷軍門乘鐵甲船前往探視軍門已於七月廿四日由卑南回難傳聞該處軍情由李本欽統領連與土番接戰均經獲勝惟番番善用鳥鎗我軍被其擊傷者數人有某營哨官劉連元左臂受傷幸未折斷然傷痕頗巨未知能無性命之憂否廿六七日省帥派飛捷兵輪開往澎湖裝載吳鎮軍宏洛挑選精壯勇丁前赴卑南助戰又派撫轅差官馬雙魁及工程委員陳向志陳坤三人坐北洋所來鐵甲船前往觀陣大軍至所想不難指日凱旋也

據理而談 ○翁叔平大司農府第牆垣與英使署毗連月初大雨連朝牆垣二三丈缺處可通亟須修葺屢催洋人不應司農遂命匠與工正在督同從事英國欽差大為不懌從而阻撓既不能以理喻又不可以情通司農無如之何告之總署少司農曾勸剛毅侯出為排解折衷邀英欽使至署而謂曰牆垣傾圮理應修葺翁大人乃天子師傅因中英邦交久睦故雖匠工小事屢經致意貴署並未自專乃貴署置若罔聞不得不自行修葺何以反來阻撓此何故歟貴大臣銜命來華辦理交涉事務當思與中朝大臣和衷共濟以徵輯睦豈宜因此等瑣事存芥芥於胸中英使乃離席肅容而答曰敬聞命矣不敢有違遂一笑而罷聞者謂翼侯持論侃侃不亢不卑不愧為大臣風度宜乎中外共服其賢而仰之慕之也

都中紀事 ○御前大臣面奏欽奉 慈禧端佑康頤昭豫莊誠皇太后懿旨皇帝典禮著於明年正月內舉行欽此欽遵所有乾清門行走侍衛恭備隨 駕關防一切差使較繁現在行走人員不敷分派請於三旗大門侍衛上虞備用處侍衛儀衛官員三旗親軍校事揀選帶領引見恭候 欽定等語當奉 俞允旋由御前大臣諭知侍衛處主事色普肯等備文傳知鎮黃正黃正白三旗上虞備用處儀衛官員頭二三四等侍衛藍翎侍衛親軍校冠軍使雲慶使治儀正整儀尉中擇其年力富強當差勤慎弓馬嫺熟家道殷實者各保送數員以便乘齊奏請揀選○近有游勇多人勾結偷竊苑獸之回同於京城外迤西一帶各村搶掠銀錢財物拒殺事主姦淫婦女每於紅日衛山時入門搶奪彰儀門外柳村處卓成門西沙窩等村先後被搶者二十餘家被傷十餘人斃命數人並有年輕幼女二口婦人一口賊去而自縊身死陸續呈報於官幾有一波未平一波復起之勢警汛司坊晝夜巡緝嚴密訪拿未獲一賊萬分焦灼無術以禦前晚賊眾竟抵卓成門外關兩西首紅門溝地方某甲家明火搶劫本營參戎守戒聞信分帶馬步小隊往拿雖與賊相遇未及交鋒賊竄入高梁地內官兵恐有埋伏未敢深入賊即遠遁賊眾悉持利刀大鑼勢甚兇悍白晝或扮作小販或作行旅乞丐形跡詭異分散行走 輦轂之地如此橫行實屬目無法紀惜地方官兵限於成例只敢圍捕不敢格鬥蓋恐珍斃賊人反干罪戾也是以賊眾得任意而行毫無顧忌有地方之責者盡設法變通悉數剿除以救斯民於水火哉○有王某者曾隨某將軍在外充當門丁其妻在京與余某姘識移居南海子意王遠在天涯未必遠能相見不期某軍憲作古王遂同京門間猶是人物已非偏加訊竟始得其蹤跡妻見王至不認為贅婿王忿忿而去余與婦知其必來不如早避之相與收拾細軟僱車一輛同坐入城行至左安門外關兩地方王迎面而來余不能避王之髮指毗裂抽刀即刺余下車與門徒手不能禦臂被刃刺傷二十餘處血灑滿地而倒王謂留汝活口對質公庭其妻本欲逃遁為弁兵所拘王亦赴官首控汛官略訊供詞婦仍不認王為夫當即解交步軍統領衙門訊辦並將被傷之余某昇赴北署署中不收仍令暫留原處調治

京報錄報 ○太子少保兩江總督一等威毅伯臣曾國荃跪 奏為已故提督勤勞卓著遺愛在民懇 天恩俯准捐建專祠春秋致祭以彰成績而慰輿情恭摺仰祈 聖鑒事竊據徐州道段詳據府縣轉據徐郡紳董杜松詩等稟稱原任福建提督唐定奎統兵二十餘年立功數千里外其從前戰績經直隸督臣李鴻章等臚陳在案而在徐之事跡徐方人士知之尤深溯富同治之初該提督率師來徐適值遼入境迎擊敗之賊遂披靡而去民賴以安其後復以全師駐徐時值兵燹之餘瘡痍未復該處界連三省草竊時萌該提督督剿撫兼施節節掃蕩著名巨魁次第就擒嗣奉東省河溢水漲微湖直冲郡城北堤民罹其害該提督督撥船隻救濟撫恤散放衣食活者多復以其暇嘉惠士林扶輿名教論者以為有敦詩說禮之風此外凡遇地方善舉工程莫不惟力是視以故歷時雖久感念不衰茲特聯名稟請在徐郡捐建專祠以伸崇報由該道詳請具奏前來臣查原任福建提督唐定奎於光緒十三年正月間積勞病故經直隸督臣李鴻章會同臣曾國荃列戰績上陳欽奉 諭旨唐定奎著從優議卹加恩予諡原籍及立功省分准其建立專祠並將戰功事跡宣付國史館立傳以彰忠藎等因欽此 聖慈軫卹前勞至優極渥凡屬臣庶感頌同聲查徐州亦係該提督立功之地既據該紳董聯名稟請合無仰懇 天恩俯准唐定奎在徐州城相建



專祠由地方官春秋致祭以彰成績而順輿情謹會同清運總督臣盧士杰江蘇巡撫臣崧駿摺恭具陳伏乞 皇太后 皇上聖鑒 訓示  
奏奉 硃批著照所請該部知道欽此 ○頭品頂戴四川總督臣劉秉璋跪 奏為遵將鄭工新例四次收捐銀數造冊請獎恭摺仰祈  
聖鑒事竊查鄭工新例前於光緒十三年十二月初二日開局起已將初二三次收捐銀數暨各捐生姓名年貌籍貫三代分起造冊先後奏咨  
在案茲據布政使為籌辦自光緒十四年三月二十一日起至四月二十日止屆滿一月共收教職分發二名職銜十名貢監生二名文監生  
六名實收銀平銀一千一百三十三兩部飯銀一十六兩九錢九分五釐照費銀三兩四錢國子監飯食銀八兩照費銀一兩六錢除將收捐銀  
兩專收存儲候撥前將部監飯銀兩封固存庫遇有便員搭解外所有四次鄭工捐款造具各捐生年貌籍貫三代清冊請奏前來臣  
覆查此次收捐銀數與鄭工新例相符合無仰懇 天恩勅部迅予核議給獎頒發執照來川以便給發用昭激勸除將實收清冊分送  
部監查照外所有鄭工新例四次取捐緣由理合恭摺具奏伏乞 皇太后 皇上聖鑒訓示謹 奏奉 硃批該部議奏欽此 ○岑毓英片  
再臣准雲南提督蔡興阿該督提督於咸豐年間來滇隨臣疆場効命轉戰三遠因剿辦逆裔府屬小澤逆賊之役於救出難民中收得遺  
棄子一名取名蔡興國養為義子教令讀書習武及年漸長該督提督帶同出師遂能執戈打仗敢戰爭先由戰功歷保至提督銜 記名總  
兵借補貴州歸化營遊擊光緒十三年十月間該督提督統兵剿辦黑匪匪蹤蔡興國因公至滇經臣奏明隨同出師道經楚雄始知蔡興國  
係楚雄縣民張姓之子並無兄弟叔伯該督提督細加訪察委係實情大開代為奏明將蔡興國仍復領姓俾得歸宗承祧等情前來臣覆查無  
異相應據情續懇 天恩俯准將提督銜記名總兵借補貴州歸化營遊擊蔡興國復姓歸宗俾承祧出自 逾格鴻施除咨禮部兵部查照  
外謹附片具陳伏乞 訓示謹 奏奉 硃批著照所請該部知道欽此 ○張曜片 再督糧道鐸洛峇現經部議革職新授斯缺之善聯到  
東向需時日應先委員接署以重職守查候補道曹澄澄機敏明幹堪以署理除檄飭遵照外謹附片陳明伏乞 聖鑒謹 奏奉 硃批吏部  
知道欽此

貴重屋地出投 ○啟者茲定於西本月十一號即華九月初七日禮拜四下午二點鐘在本館內拍賣貴重屋地二區其地皆坐落附  
近陸旗山脚之東陵地方大共八萬五千六百六十五丁方英尺業已建有屋宇并餘地基二段其屋新建未久甚為堅固每月每間租銀可值  
四十五元其地乃承遠自主之業 諸君有合意購置者請屆期 玉臨投買是荷 大英一千八百八十八年十月四號 巴越館主謹啟

憲示 ○此字示知各色人等知悉國家前在維多利亞街所設之產婦醫院現已定於即日開辦特此示知  
大英一千八百八十八年十月三號 輔政司示

北慕娘招商承餉告示 ○北慕娘輔政使司 為招商承充餉碼事照得本司現奉 督憲札開本境各餉碼將屆滿期照例招商  
承充等因奉此合行出示曉諭仰商民人等一體知悉本屆承充各餉碼以一年為期由西一千八百八十九年正月一號起至年底止其承充  
北慕娘全境鴉片餉碼者則由南境寶東河巴那士地方起至東境西目高地方止或分段承充亦無不可茲將分段界址列左 東方烟碼  
則由丹戎蘇葛至西目高地方而施牙馬金山 拿為灣 仙那港灣 近那馬打眼 施牙馬 刺穆 蘇葛及各小港皆在其內 南方烟碼  
則由伊拿那爾東至寶東河及巴那士止而登外 譽多呂灣及各小港皆在其內 古達烟碼則答多呂灣 登外及各小港皆在其內  
牙惹烟碼則牙噶嶼 淡巴索 亞羅 暗望灣 多亞蘭 浮打丹 加汪 班牙力 巴八 該馬尼士 登牙灣及各小港皆在其內  
巴那士烟碼則掛馬班油 忌里亞士巴拿士灣至寶東河以內一帶各小港皆在其內以上各處烟碼章程均照本境現行之章而行 沽  
烟價銀開列 每銀十元沽烟六兩八錢 每銀五元沽烟三兩二錢五分 每銀一元沽烟六錢二分 每銀五角沽烟二錢九分 每銀一  
角九占沽烟一錢 每銀二仙沽烟一分 生土每顆沽銀三十八元 其東方酒碼亦照以上所開之界址內 當碼則在仙那港坡 賭碼  
亦在仙那港坡 古達南境不羅民亞路士略之酒當賭及雜烟餉碼亦照以上所列地方 不羅民加卑路地方乃在牙惹南境所有各碼亦  
照以上所列 浮羅民類亦設酒賭當雜烟及督勝煎碼 以上所列各碼如入票者必須將其人之姓名住址及所操何業并其署保人之姓  
名住址及所操何業一一列明票內并須書明承充某地每月繳納餉銀若干所有各票定於西十一月十五號即華十月十二日以前須為封  
固寄交本署而古達 牙噶及巴那士之票則可就近交各該處之地方官如各票欲寫華字亦從其便惟入票人或代理人須當面將票  
內所言讀與收票官聽俾得國家量為棄取如欲知其詳細者可向仙那港庫務司署或各地方官署詢問如在港叻兩處則向本境之代理  
人處詢問可也各宜踴躍勿存觀望切切此諭 大英一千八百八十八年十月三號 示

敬頌名醫 ○嘗思人有疾病而不認真醫治是自誤其命也欲醫治而不講求名醫又更誤也每見英偉強壯之年偶有疾病即委靡  
不振者良可慨也茲茲英國醫官馬吉里士珍係本坡花旗領事之愛婿也先生精究醫學存心濟世余兩小兒巨川文英曾染沉痾危在旦夕幸  
逢先生一投藥石頓覺精神爽快連服數劑元氣全復是其再觀天日亦先生之賜也用誌數言以謝先生耳倘諸君有欲請教者可到高勞德  
藥店詢之便妥專此佈聞 光緒十四年戊子八月廿七日

感德不忘 ○自來五術非儒不精吾聞其語更見其人矣竊余遠歷南洋經數十載染有痼疾延醫罔效幸無月月初前月唐君南來欲往仙那簡地方路由實叻停驂于順發號因小兒輩送染沉痾確知泔水中人黃克寬先生和平處世學兼岐黃坡中請教者固不乏人擬請其方惜未謀面爰訪該寓李潤泉兄不料與先生甚善從前抱恙賴厥調敷是以同趨領教真能藥到回春揣其治內外科症推本非因逐末而且煎藥之法獨闢奇門以故每服一二劑諸病若失先生之妙手如此豈但一榜大筆書法軒昂猶其平時之素著乎余翹日圖報厥恩始知三吧壠南旺地方延為西席早于八月間起程噫師道而兼醫道余前日之幸實此邦後日之幸也愧未酬報敬陳數語以誌感德不忘  
大清光緒十四年八月十八日  
仙那簡順隆號王清麟新嘉坡順發內李潤泉同啟

遺失銀紙 ○啟者茲於西八月三十號即華七月廿三日下午在碩蘭義武吉龜打地方失去銀紙甚多茲特購求如有檢得送回者即當重謝花紅而知為何人所得前來通報而可以將所失取回者亦即重謝并懇助順甲等處四方仕商遇此銀紙切勿行用蓋此銀紙現已不能通行也茲將所失銀紙之目及西字號數詳登如左

元五票每行銀代根嗎甲六麻下以  
Five Dollar Notes Nos. 23612, 20012, 5900, 4391, 26903, 6784, 20044, 21833, 25836, 1080, 918, 18881, 14925, 12314, 7799, 27570, 22, 26368, 27265, 9974, 1407, 13083, 11880, 769, 18378, 11953, 7444, 01684, 4837, 6054, 19769, 7767, 17762, 9567, 26786, 18954, 1399, 24470, 25339, 19915, 18266, 19087, 24611, 2295, 15142, 15474, 24074, 10253, 23317.

元十票每下以  
Ten Dollar Notes, Nos. 6028, 2787, 8638, 7682, 3340, 12417, 13348, 12809, 9925, 11902, 6007, 7673, 17428, 16576, 11216, 14847, 7531, 8904, 7331, 3125, 771, 3091, 1780, 10102, 1751, 3895, 12307, 15143, 15042, 7341, 16099, 8359, 12022, 3560, 18366, 15385, 18069, 13766, 6159, 931, 12424, 17452, 2877, 360, 2834, 4319, 6810, 8584, 4926, 4306, 6927, 12598.

元五十票每下以  
Twenty-five Dollars No. 223.

元五票每行銀代根嗎嶼檳下以  
Five Dollars Nos. 23431, 53938, 29028.

元十票每下以  
Ten Dollars, Nos. 17445, 11601, 9000, 40140, 26305.

元十五票每下以  
Fifty dollars, Nos. 3122, 830, 20846.

元百一票每下以  
One Hundred Dollars, Nos. 1827, 5111.

元五票每行銀打渣坡嘉新下以  
Five Dollars, Nos. 17474, 29880, 9071, 23447, 14902, 29615, 18146, 28115, 153, 29072, 6986, 29558, 20295, 25083, 23564, 24642, 33594, 21484, 33715, 31108, 22463, 4325, 2839, 9878.

元十票每下以  
Ten Dollars, Nos. 35761, 13341, 6737, 5882, 25838, 18027, 39409, 775, 4549.

元十二票每下以  
Twenty Dollars, Nos. 35013, 35423, 36492, 2192, 36185, 37310, 33036.

元五票每行銀海上港香下以  
Five Dollars, Nos. 63870, 62383, 64351, 62059, 63728, 62574, 63719, 51724, 62041, 62039, 6782, 56399, 61005, 64282, 61002, 61001, 61007, 61008, 62494, 62326, 62034, 64690.

元十票每下以  
Ten Dollars, Nos. 43519, 35962, 30933, 17708, 28073.

元五票每行銀打渣坡嘉新下以  
Five Dollars, Nos. 27652, 2364, 11251, 31521, 28868, 2880, 19920, 538, 32668.

元十票每下以  
Ten Dollars, No. 24874.

元十二票每下以  
Twenty Dollars, Nos. 1024.

元十票每行銀打渣坡嶼檳下以  
Ten Dollars, No. 6442.

元百一票每下以  
One Hundred Dollars, Nos. 23304, 2998.

烏密酒發售




啟者本行向由英國督辦各種美酒來叻發售久已遐邇馳名茲復由英新辦到頭爾士斗雲字號之狗頭標烏密酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也諸君光顧應細看以上所列之狗頭標庶不致誤且價甚相宜倘諸君有欲飲者請至本行取用可也此佈  
大英一千八百八十八年八月十五號 明碼也洋行啟



西國醫士佛羅斯配製治病滋補氣血藥水能治肝肺癆瘵弱飲食停滯心悸多驚四肢酸軟身體虛弱酒色過度等症輕馳名於世二十餘年天下各國講究講養者多輕購用屢試屢驗此藥水用玻璃樽裝載其如何功用另行布列一紙用華字印刊每樽附送一張用此藥水者每日服三次俱晨午晚膳後乃服每次用一茶匙以冷水或清茶一酒杯開服須食一樽之譜方得見効如蒙光顧請到中國各口岸西人藥房採買其在本坡則各藥房均有發售如欲多買者則請至然里直洋行對門之新嘉坡藥房即勞未申藥房內麥加君處選購大樽每樽分作一百二十八服價銀一元半樽每樽分作六十四服價銀一元此佈  
大英一千八百八十八年正月十八號  
美國紐約佛羅斯公司謹啟

時款鐘表出售 ○啟者本店開設在國家信局對門即來安公司之隣專在歐洲督辦各式時款鐘表來叻發售計有銀表一種最為名貴每枚價銀二十五元并有大小各式金表甚多均屬當行出色者更有無須須表匙自能上機之銀表每枚價銀五元其表甚為堅固至於時鐘則各體俱備無論掛鐘座鐘以及石質之鐘皆備其鐘皆異常美觀以備諸君選擇他如金表金匙相金金表練金戒指等各物甚多不能盡錄而本店并能代諸君修理鐘表以及風雨針等件甚為精細保能晷度無訛 諸君惠顧請即移玉 光臨為盼  
大英一千八百八十八年四月十七號  
模申鐘表店謹啟

費者本行向代理大英北方商務保險公司專代 辦各款保洋面平安新裝 實價按本外通運會要火燭保險以保事申平安實堪相宜茲  
 需等列如左 一號保險每值百元保費銀五角其另扣同十八仙與投保者 土油保每值百元保費銀一元五角亦扣同十八仙 煤炭  
 保險每值百元保費銀一元二角五仙亦扣同十八仙 雜貨保險其貨價於丹戎巴葛貨棧內者每值百元保費銀一元其亦扣同十八仙  
 其餘各貨如欲買保者請至本行面商實甚相宜此佈 大英一千八百八十六年十一月二十九號 年 代理人明嗎也洋行謹啟



實得力保險有限公司告白 ○敬啟者本公司開設以來與諸君受洋面保險及火燭保險等計洋面保險共集老本銀三百萬元現已收銀六十萬元盈餘積項二十萬元所有洋面往來船貨等物均能代保平安 其火燭保險計集老本銀二百萬元現收銀四十萬元所有洋行店戶住屋棧房等均能代保年終核算之時更補花紅分與買保 諸君所得且保價甚屬相宜誠於買保之人有益至本公司章程之佳辦理之善實與他家不同倘 諸君有惠顧者請即移玉惠臨相商便妥特此佈聞 大英一千八百八十八年正月二十五號 實得力公司總理人可洛不加道啟

實得力公司總理人可洛不加謹啟

請示船期 ○敬啟者茲本館之報因日必將出口之各輪船行期詳登凡有輪船之公司行號見報篇之先期廣告使人周知以便招接載運不無補益處為利便之舉但本館記事浩繁逐一詢問恐或有遺茲敬與本坡凡有輪船各舟諸公司行號約如運貨號出口之船某日展輪解纜自有定期務祈先將船期示知俾本館以便照登則欲附貨搭客者可得先事而備自無後至之虞不費之利諒 諸君之樂從也再者諸君送來之稿祈於每日三點鐘以前交到始能照刊若過三點鐘則本館經已排印不能照錄當俟下日始能錄出尚祈見諒特此 佈聞 本館謹白

輪 船 開 行

傳烟上	五百廿五元	新烟土	五百廿五元
上日錫	三十七元七角半	叻甘蜜	八元
叻島椒	廿三元	白椒上	四十一元
金盾行情	金盾一個		六元五角半
印度盾	一百元兌		二百廿七盾
爪亞盾	一百元兌		一百八十六盾
匯價行情	銀行利息		十二八仙
銀行現銀票銀行	一元		
商人三十日期票	一百元貼銀行	二元二角半	
銀行現銀票壹百元銀行貼出	二角半		
商人三十日期票	一百元	一元七角半	
加勝巴銀行現銀票壹百元值	一百八十四盾半		
商人三十日期票	一百八十八盾		
加里末銀行現銀票一百元值	一百八十四盾		
商人三十日期票	一百八十八盾半		
三寶壟銀行現銀票一百元值	一百八十四盾		
商人三十日期票	一百八十八盾半		
匯豐加錫銀行現銀票一百元值	一百八十四盾		
商人三十日期票	一百八十八盾半		
渣打銀行現銀票一百元值	一百八十四盾		
商人三十日期票	一百八十八盾半		
打電信	二百二十拾五盾		
商人三十日期票	二百三十一盾		
打電信	二百廿六盾		
商人三十日期票	二百三十一盾半		
打電信	七十三盾		
商人三十日期票	七十四兩七五		

英京	吃連佛路火船	初二日	下午四點	開行
麻六甲	益寶	火船	初二日	下午四點
吉隆	又	又	又	又
柯勝攪保	又	又	又	又
香港	訖連品勝士火船	初二日上午十一點	開行	
上海	又	又	又	又
日裡	喜美	火船	初二日	下午一點
網略	慕娘	輪船	初二日	下午四點
望加麗	山王	輪船	初二日	下午三點
				開行